

LG Service Pro

उपराज्यपाल मनोज सिन्हा होरें कल बालटाल आधार शिविर दा दौरा कीता ते सेवा देने आले ते श्रद्धालुएं कन्नै गल्लबात कीती। उनें श्री अमरनाथ जी दी यात्रा गी सुचारु ते सुरक्षत बनाने च शामिल सब्बने पक्खें दे कम्मं दी सराहना कीती। इस मौके पर तीर्थयात्रिण आस्था ते विश्वास दी इस परम्परा यात्रा दा हिस्सा बनने पर अपने आपै गी बड़ा खुशकिस्मत दस्सदे होई प्रशासन दा धन्नबाद कीता। उपराज्यपाल होरें श्री अमरनाथ जी दी यात्रा दे शांतिपूर्ण ढंगै सिर तोड़ चाढ़ने आस्तै प्रशासन दे धेइयै गी फही पक्का कीता।

<><><><><><>

CM Skuast

मुख्यमंत्री उमर अब्दुल्ला होरें आखेआ ऐ जे जम्मू कश्मीर आर्थिक, समाजिक ते सियासी बदलाव दी बत्ता पर अगड़ा बधा'रदा ऐ। उनें नोजवानें दा आह्वान कीता जे ओह अपनी सेवा, नमिणं काह्डें ते नेतृत्व कन्नै इस बदलाव च सरगर्म हिस्सेदार बनन। मुख्यमंत्री स्कास्ट कश्मीर दे 6में दीक्षांत समारोह च बोला'रदे हे। स्नातकें गी संबोधत करदे होई मुख्यमंत्री होरें नोजवानें दा नमें जम्मू कश्मीर दे निर्माता बनने दा आह्वान कीता। उनें बशेष करी कृषि ते कन्ने लगदे सेक्टरें च रोजगार पैदा करने लेई नोजवानें गी प्रेरित कीता। उनें वायदा कीता जे सरकार उंदे बचारें ते योजनाएं गी समर्थन देग। उनें ज्ञान, दया भाव ते दलेरी दे तालमेल कन्नै जड़ें कन्नै जुड़े दे उंदे उज्जवल भविष्य दी कामना कीती।

<><><><><><>

CS-Hydro

मुख्य सचिव अटल डुल्लू होरें जम्मू कश्मीर दे बक्ख-बक्ख दरेयाएं पर बनी दिणं पनबिजली परियोजनाएं दे विकास दी रफ्तार बधाने दी स्थिति दा जायजा लैता। पानी कन्नै पैदा होने आली बिजली गी जम्मू कश्मीर दी अर्थबवस्था दी रीढ़ दी हड्डी आखदे होई मुख्य सचिव होरें सब्बने परियोजनाएं गी तैह कीते गेदे समें दे अंदर अंदर पूरा करने लेई सांझी कोशशें दा आह्वान कीता। उनें ऊर्जा सुरक्षा, उद्योगें दे बाढ़े विकास ते रोजगार पैदा करने च पनबिजली परियोजनाएं दे महत्वै आली भूमिका पर लोह पाई। बैठक च जम्मू कश्मीर दर व्यापक पनबिजली समर्थ दे इस्तेमाल दे प्रशासन दे सशक्त धेइयै गी फही पक्का कीता गेआ ते आखेआ गेआ जे पनबिजली प्रांतै दी खुशहाली ते सतत विकास दा इक थम्म ऐ।

<><><><><><>

Amarnath Accident

रामबन जिले दे चंद्रकोट इलाके च अज्ज श्री अमरनाथ श्रद्धालुएं गी लेइयै जा'रदी इक बस हादसे दा शिकार होई गे जिस करी 36 यात्री जख्मीं होए न। हासल जानकारी मूजब पहलगाम बक्खी जा'रदे जत्थे दी इक बस दे डरैवर दा ओहदे पर काबू नेई रेया ते ओह बत्ता खड़ोती दिणं होरनें गडिडएं कन्नै जाई बज्जी जिस करी 4 गडिडएं गी नुक्सान पुज्जा त 36 यात्रुएं गी हलकी सट्टां लग्गी गेइयां। जिला प्रशासन नै तुरत हरकत च औंदे होई जख्मिणं गी जिला अस्पताल रामबन पुजाया। डिप्टी कमिशनर मोहम्मद इलियास खान, डीआईजी शक्तिधर पाटिल, एसएसपी कुलबीर सिंह ते होरनें आला अधिकारिणं अस्पताल जाइयै जख्मिणं दी डोल पुच्छी ते मुख्य मेडिकल अधिकारी होरें'गी निर्देश दित्ता जे ओह जख्मिणं गी बेहतरिण सुविधां उपलब्ध करोआन। यात्रिणं गी इलाज दे मगरा, होरनें गडिडएं च उ'दी अगड़ी जात्तरा लेई रवाना करी दित्ता गेआ।

<><><><><><>

BGSB

राजौरी दे डिप्टी कमीशनर अभिषेक शर्मा ते एसएसपी गौरव सिकरवार होरें अज्जै थमां हजरत बाबा गुलाम शाह बादशाह हुंदे दऊं दिने दे सलाना उर्स दे प्रबंधें गी खीरी रूप देने आस्तै पवित्र शाहदरा शरीफ जियारत च सांझे तौरा पर इक समीक्षा बैठक दी अगुवाई कीती। बैठक दा मकसद देश दे

बकख-बकख हिस्से थमां औने आले श्रद्धालुएं आस्तै सुचारु इंतजाम जकीनी बनाना हा। तीर्थयात्रिएं आस्तै सुचारु ते अध्यात्मिक रूपै कन्नै समृद्ध अनुभव निश्चत करने आस्तै ट्रांसपोर्ट ते आमदोरफ्त बवस्था, बिजली पानी दी बवस्था ते होर केई लाजमी सुविधाएं जनेह प्रमुख पैहलुएं दी बी पूरी चाल्ली समीक्षा कीती गई।

<><><><><><>

Traffic

ते हून खबर ट्रैफिक बारै। श्री अमरनाथ जी दी जातरा दे मदेनजर, अमरनाथ श्रद्धालुएं दे चौथे जत्थे गी अज्ज जम्मू थमां कश्मीर घाटी लेई खाना कीता गेआ। एहदे अलावा हौली मोटर गड्डिएं, जात्तरी गड्डिएं ते निजी कारें गी जम्मू-श्रीनगर राश्ट्री जरनैली सिडकै पर दौने बकखी दा आओजाई दी खुल्ल दिती गेदी ऐ। ट्रैफिक विभाग आसेआ जारी कीती गेदी इत्तलाह मूजब, हौली मोटर गड्डिएं गी दपैही 1 बजे तगर जखैनी ते दिनै साङ्गे 11 बजे शा दपैही 2 बजे तगर काजीगुंड पार करना होग। बड्डी गड्डिएं गी इक दिन छोड़ियै इक दिन चलने दी इजाजत दिती गेदी ऐ।

<><><><><><>

Cricket

बर्मिंघम दे एजेबेस्टन व मेजबान इंग्लैंड कन्नै दुए क्रिकेट टैस्ट मैच दे चौथे दिन अज्ज भारत अपनी दूई पारी च इक विकेट पर 64 रंजे थमां अगगे खेडोग। पैहली पारी दे आधार पर भारत दी कल बढ़त 244 रंज होई गई ऐ। के.एल.राहुल 28 ते करुण नायर 7 रंज बनाइयै क्रीज पर न। एहदे थमां पैहले भारतीय तेज गेंदबाज मोहम्मद सिराज नै 6 जदके आकाशदीप नै चार विकेटां हासल कीतियां। जेहदे कन्नै इंग्लैंड अपनी पैहली पारी च 407 रंज पर ऑल आउट होई गेआ हा।

<><><><><><>

Bal Puskar

भारत सरकार नै प्रधानमंत्री राश्ट्री बाल पुरस्कार 2025 आस्तै नामांकन मग्गे न। एह पुरस्कार 6 कोला 8एं बरें दी बरेसु दे न्याणे गी दित्ता जाने आला सर्वोच्च नागरिक सम्मान ऐ। जेकी तुस बहादुरी, समाज सेवा, वातावरण, खेड्ड, कला ते संस्कृति जां विज्ञान ते प्रौद्योगिकी जनेह खेत्तरें च उपलब्धि हासल करने आले कुसै युग दे बारे जानदे ओ, तां मेहरवानी करियै उनेंगी हुन बी नामत करो। नामांकन जमा करने आस्तै 31 जुलाई 2025 दी समें सीमा गी शा पैहले awards.gov.in पर जाओ।

<><><><><><>